


日本漢文學百家集 99

王焱
編



北京燕山出版社



王焱 主編

日本漢文學百家集
99



北京燕山出版社

第九十九册

鳳岡林先生全集 卷十七至卷三十 林鳳岡著 延享元年
.....
一

鳳岡林先生全集卷之十七

男 朝散大夫國子祭酒林信充士僖父 輯

詩部

七言律詩

重陽

重陽隨例百千家每遇佳期感慨加
雁陣來賓荒燕幕蝶車圍繞對蜂衙
佩囊昔日記桓景落帽今朝思
孟嘉獨向東籬幾徐步不見陶令唯見花

十二月朔日雪

紛紛片片更西東
驀地堆塩百里中
朔雪詞高記明

遠北臺吟冷憶坡翁非花非月窓前影如絮如瑤天
上風六出堆積盈尺處自今可喜得年豐

送友元雅丈赴洛

想像長安幾十程風殮露宿客衣輕旅亭無奈杜鵑
轉驛路唯聞匹馬鳴濺淚數行銀海暗回頭千里碧
山晴雁聲旣去潮音少從此別離空復情

十一月二十七日對雪

霰集雲同天一涯紛紛片片任風吹恰如明月有清
色唯比早梅無好枝窓牖侵寒呵手足衾裯潑水邊
膚肌戲接亂掬世人事坡老尖叉和者誰

讀耕被賦八句一章乃同其韻

金節
席上

淨掃閑庭絕點塵
夜來挑了淡燈親
架頭數百編黃卷
瓶裏兩三枝玉椿
唯喜交情最深昵
笑他世事妄紛紛
復期花下吟遊日
一段光風好景新

遊野靜軒宅賦卽事揭春服初成麗景遲七

字爲韻礎座中各賦之

得麗
字

暖雲蒸出遲日霽
春未和風入幽棲
瀑飛輕練山岳深
水帶羅紋晝夜逝
松籠青煙半庭中
櫻飄白雪前林際
閑來幸有沙鷗馴
想像江南地佳麗

池蓮

高唐
席

想像明皇遊太液紅葩亭立更無倫池邊深愛如君
子世上謾言似美人水引羅紋殊淺潔花飄錦帶愈
清新薰風荷淨納涼處一洗煩襟炎暑塵

荒長好自忝歲罹病或浴溫湯或嘗藥劑然
未全愈頃間有歸鄉而可以治之事故作

律詩一章餽臚

無奈三彭猶未退春風分袂海東涯八年交渥連牀
話一望眼窮千里霞茅店聽雞眠乍覺柳邊繫馬手
先邁從茲欲識相思處武野草青京洛老

竹梢春月

勿齋君席分探八
陣之字余得風字

今夜將除數竿綠無雲無霧廣寒宮孤生泰岳潤阿
底遐想汝陰堂宇中枝葉踈踈香細細桂花郁郁影
朧朧新粧春霽姮娥面相對幽貞君子風

奉和家兄春詩

千里同雲望眼冷春風陣陣雪堆堆紅於顏子爐中
點影向謫仙檐下來池畔奮鱗魚尾蟄天邊失素鶴
翎開瑤花瓊樹白無色何處深林覓玉梅

雪詩次韻 并序

阪月二十八日雪阿叔金節被追和尤延
之江東辛丑正月二十八日大雪詩韻想

夫千歲一事於今日偶相合不亦奇乎然
欲倣其和則險韻難攀且先有著祖鞭則
彌難成之而已然默止之則殆似俗子乎
故不屑傍觀之嘲乃追和之

紛紛飛雪濺平疇落入東溟萬里流
蘓軾北臺思半夜杜陵西嶺祝千秋
江邊爭色鬧鷗戲林際苦寒飛
鳥愁宿麥連雲黍豐熟卮匱盛了敦兼牟

雪車

一夜窻前高響處雪中轆轤又鞦韆
忽橫紫陌轉紅陌不起緇塵飛玉塵
輾地雷光何準比轟空月色欲

同論尋常輪轍空工巧此物天然呈似人

冰柱

冰柱真成寒似水俄然易泮日光晴峨峨千里暫相
結滴滴九天長叵擊劉氏層樓丹失色元梁新笛玉
彌明檐前垂處清詩骨何說楊妃千載情

雨中對花

檐雨沛然如散帛得時欣見衆花披香風直拂露華
潔月彩渾於畢宿離雲黑九天兼六合霞蒸萬乃小又
千枝眼前紅濕曉來景復憶錦城杜拾遺

奉悼故拾遺加藤君呈令嗣勿齋君

瞥然一別乍終天淚濺東風湛似泉海路雲迷千百
里暮齡夢斷七十年水漿入口未知味苦塊低頭難
得眠靈樞空隨春雁去長愁秋後不同旋

閏中秋

源吏部
席上

仲秋有閏中秋月四顧無雲淒色奇一律灰飛葭管
動十三紅抹牡丹披席頭再徹蘓頰燭沙上又吟居
易詩初吉旣過望夜爽杜陵隨影北征時

赴保若牧席卽景

鄭重佳招交意懇西風蕭颯入幽扉駿州縱是地雖
異士嶺分明山最巍群鷺振振飄白玉雙鴛泛泛浴

紅衣世緣擺
公塵緣散
池水流清欲忘歸

遊太田備牧宅卽興

誰求佳境向西湖
池苑多多好景殊
霜葉懸林畫堂錦
燈籠映水夜光珠
扁舟風靜自來往
絕嶺雲遙半有無
清話別知和氣在
陽春回挽一紅爐

寄虎林西堂

并序

公秋一會如舊相識
古人傾蓋之謂乎爾
來海陸脩阻音容渺茫
唯遣相思之情而已
頃間被寄芳簡於郎
罷家昆聞其傳語
不亦說乎且見紀行詩
若干章口之不輟

手之不捨於是纔和其所書於卷首之琵琶湖律詩韻以附風湖

爽氣淒淒滿面秋
堦亭路遠繞汀洲
清風一片緇衣
冷碧水千重白石浮
松本村前鞭匹馬
艸津驛畔繫行舟
琵琶湖縮得五湖地
烟景茫茫沙上鷗

子陵釣臺

功大雲臺二十二
爭如萬古客星明
緣同巢父隱淪
志無奈劉郎久
要情千水千雲
千頃濶一簑一笠
一身輕
先生曾慕逃名者
却爲釣臺惹得名

王昭君

征鞍輕拂氍毹城遠慙殺明妃往不還萬里層雲隔鸞
殿千堆飛雪落燕山淡烟漫誤丹青手行淚空垂白
玉顏惆悵斯身不如烏雁飛猶得到鄉關

李愬池雪

病菴席上
探鬪賦之

大哉李愬發功名鏖殺蔡州元濟兵旗旆向風飄又
靡瓊瑤散地踏猶清前池同色鵝毛亂行陣銜枚馬
背輕一夜漫漫四望白懸瓠城是假銀城

梅邊月

清標亭立太清癯一夜朧朧影不孤銀扇風高翻縞
袂金盤雲盡種瑤株周生懷展廣平賦孔聖德磨程

顥珠爲問廣寒宮裏桂不知有此暗香無

宋理宗祭周程張朱

會于向陽軒揭倭漢
十題百件探闢賦之

淳祐皇風尊道學四賢遺跡欲追尋
龍門千里波聲急鹿洞萬重雲影深
旣感芭蕉長新德不除蔓草得
仁心自因瞻仰仲尼月灑洛陔闕同照臨

臥龍梅

遊勿齋分探疎影橫斜水清淺暗
香浮動月黃昏十四字得昏字

梅似蟠龍映苑村香風吹返孔明魂
海棠稱婦欲同類桃李爲奴不肯言
影卧珠宮紫貝闕色明銀界玉
乾坤紛紛耿耿回頭見花與參星橫夕昏

和拍郎海棠詩韻

由來自有神仙號，默默無香也。一奇風入朱唇飛玉液，露淋紅臉洗瓊脂。晦翁館裏絲雲遠，徐老巢中白日遲。欣見佳篇風韻好，花前茂視薛能詩。

和金節海棠詩韻二首

芳氣有無猶脉脉，幽姿淑態艷陽時。神仙夢覺入花裏，妃子春來擘荔支。韓偓踈簾驚側卧，許昌健筆賦新詩。東風淺淺亂英色，吹散胭脂雪滿枝。

請看花蕊太奇絕，渾在斑斑夜雨時。練布明明如裂帛，珊瑚卓卓欲分支。沉香亭畔明皇愛，濯錦江頭賈鵞詩。日炙嫣紅風露冷，賞吟長蒂與柔枝。

別墅偶吟二首

篠簍池頭波浪冷悠然回顧眩雙瞳
卯花落地散堆雪蛙艸纒堦受好風
芳茗生澆數甌碧淡燈背壁一枝紅
林園雖盡靜中樂唯恨四鄰皆梵宮

卯花蛙艸皆別莊所

種也

門後門前任杖行雲收霧散喜新晴
黃梅雨霽疎簾冷白鷺池深寒玉明
恰恰老鷺聲未老翩翩輕雀翼彌輕
世間何處無陰綠到此山房分外清

卒書柿葉示拍郎待其來也

勝游三日忘歸去散步階前踏破苔
墻燕雙飛自頽